

## Rozeznawamy *hač* a *kaž*

Při přirunowanju wosobow, zwěrjatow abo předmjetow wužiwamy w serbšćinje

*hač*, jeli su objekty, kotrež přirunamy, w přirunanej kajkosći kwalitatiwnje abo kwantitatiwnje rozdžělnje.

*kaž*, jeli su objekty, kotrež přirunamy, w přirunanej kajkosći kwalitatiwnje abo kwantitatiwnje jenake abo podobne.


Můžeme to takle zwobraznić:

Jeli je  $A > B$ , prajimy a pisamy *hač*.

Jeli je  $A = B$ , prajimy a pisamy *kaž*.

Tu někotre přikłady:

W pjerowce je wjace  
pisakow *hač* na blidže.



>



Beatrice je runje tak  
šikwana *kaž* Julka.




=



Apelsina je wjetša *hač*  
wišnja, ale runje tak  
wulka *kaž* jabłuko.



<



=



## Zwučowani

1 a Zasadź prawje do mjezoty *hač* abo *kaž*.

Naša kokoš nanjese wjace jejkow \_\_\_\_\_ waša.

Susodźic pos je runje tak strašny \_\_\_\_\_ afriski law.

Moja mać ma wjace črijow w kamorje \_\_\_\_\_ twoja.

W awgusće je pola nas často runje tak horco \_\_\_\_\_ w Španiskej.

Šulska biblioteka wobsedži mjenje knihow \_\_\_\_\_ měšćanska biblioteka.

b Wobhladaj sej swój wobswět a přirunaj předmjety wokoło sebje. Napisaj k tomu znajmjeńša pjeć sadow.

---



---



---



---



---

2 Podšmórń prawe přirunowace słowo a přešmórń wopačne.

Z awtom jědžeš spěšnišo *hač/kaž* z kolesom.

Francoske jědže su runje tak słódne *hač/kaž* italske.

Bur žněješe wjace *hač/kaž* bě wočakował.

List napisać je ćešo *hač/kaž* telefonować.

Wabjenje w telewiziji je skutkowniše *hač/kaž* wabjenje na plakatach.

Wulět wotběža hinak *hač/kaž* běchmy to planowali.

Kwěćel z mojeje zahrody je tak rjany *hač/kaž* kwěćel z wobchoda.